


黎氏家集

一



黎氏家集



光緒戊子己丑
刊于日本使署

癯餘筆談

光緒己丑春日
刊于日本使署

夢餘筆談序

語孟不言果報非無其事也聖賢不必有果報而自為聖賢耳下此則不然故夫人世罕聞罕見可喜可愕事春秋內外傳每詳言之亦以世患日滋人心易溺縱欲趨利千狀萬態苟無所悚惕以遏將來誠不知胡底矣黎靜圃先生以經術為循吏出處進退規規焉惟恐牴牾於聖賢作為文章宏通爾雅鄉人至今稱誦之復以平生閱歷與夫耳目所及之足以駭觀聽寓懲勸者雜書之曰夢餘筆談夫人心之積蔽莊言之不入或嬉笑而解焉專言之不喻或旁推而悟焉筆談之作其亦有

序
經傳警世之意乎或曰先生居近禹門山舊丈雪道場
猶有其遺風焉故所言多洞佛理了生死去來是則非
余所敢知矣道光二十年二月紫泉莫與儔



黎氏家集總目

夢餘筆談上卷

已下黎安理刊

藏

長山公自書年譜一卷

已刊

蚨石齋詩鈔四卷

已下黎恂刊

千家詩注二卷

活字版印黔中有別刻本

運銅紀程二卷

未刊

石頭山人遺藁一卷

已黎愷刊

侍雪堂詩鈔六卷

已下黎兆勳刊原八卷今編六卷

葑煙亭詞四卷

已刊

詞林心醉一卷

未刊

野茶岡人學吟一卷

黎兆熙未刊

息影山房詩鈔二卷

黎兆祺已刊別行

慕耕艸堂詩鈔四卷

已下黎庶燾已刊原七卷今刪為四卷

琴洲詞二卷

已刊

篠庭雜文一卷

未刊

椒園詩鈔七卷

已下黎庶蕃已刊

雪鴻詞二卷

已刊

家稿彙存一卷

黎尹融編未刊

沙灘黎氏家譜一卷

已下黎庶昌未刊

孔詒二卷

未刊

拙尊園叢彙五卷

未刊
已刊另行

丁亥入都紀程二卷

活字版印

全黔國故頌二十四卷

別刊

續古文辭類纂二十八卷

別刊

使東奏議二卷

未刊

使東文牘二卷

未刊

西洋雜誌八卷

未刊

拙尊園畫存錄一卷

未刊

牂柯故事四卷

未刊

幹生詩存一卷

黎汝貞
未刊

妃蘅樓詩一卷

黎尹融妻蹇氏未刊

黎氏鄉會試硃卷彙存一卷

未刊

增刊

青田山廬詩鈔二卷 詞一卷

獨山莫庭芝

悅塲遺詩一卷

遵義鄭璫

瑟廬遺詩一卷

大定章永康

丈雪和尚語錄一卷

丈雪通醉活字版印

夢餘筆談

藏

遵義黎安理靜圃

余今年五十有餘回思少壯時忽忽若昨日事而已視
茫茫髮蒼蒼矣太白云浮生若夢為歡幾何然則由前
言之不得謂以前是夢而今日初覺也由後言之不得
謂今日已覺而明日不夢也夢從緣生緣從識生富貴
福緣也文章慧緣也一切離合悲歡業緣也未結福緣
以夢結之未了慧緣以夢了之未滿業緣以夢滿之則
亦何時而覺耶緣亦夢不緣亦夢覺亦夢不覺亦夢今
日之覺夢覺也以夢人說夢話夢亦安所得而覺之則

夢餘筆談
謂今日方覺也可即謂今日始夢也亦無不可寫竟不覺一笑時嘉慶甲子七月望後

蟒化龍

蟒非龍也蟒而龍猶之鯉為龍也余七歲時先君梅谿公館里中雙車陂何氏携往授句讀適六月驕陽肆虐一日卓午熱甚先君方與朋輩論學有何生楨者長余數歲私約赴萊子山掘野薯蕷山半兩岡分亘中有田數區田之阡有一井田不甚廣一畦也井不甚深一掬也兩岡前一土平平外一大林林麓即先君館計距山約里許山之上有一石名雷震石上隱隱有赤文山多

野薯根盤土石生掘之易起也煮或煨而食之味甘且
膩不減家芋余與生各持鋤一陟山顛初匝井過時赤
日行空禾苗或或無一物也甫得薯窠忽半空起黑雲
一朵濃墨飄忽生愕然曰雨且至矣亟呼余下山時從
井邊對過見一物吸於井戴赤冠長二三尺高約寸餘
又一角高三四寸頭生黑絨毛眼如銅鈴身大如桶從
首下約見丈許形似爛木怪狀駭人下皆田禾所蔽不
知長幾許也其物斗聞人過側首顧余瞥見亟呼生觀
之生駭然曰此龍也余時不知龍為何物亦疾應曰龍
也生咄疾走余亦疾走倏暴雷電大風雨至平地水湧

尺餘與生奔至館衣袴透濕各受先君答明日耕人至
前處見田泥凹痕尺許一道厯土平又里餘俱寬二丈
許直抵一洞洞水入樂安江會延江則此物隨江去矣
居人至館告曰昨午暴風疾雨萊子山龍行先君方知
之更錯愕顧余初不知余之親見也何生逾年而殤象
山子曰蟒蠹物也而能變為龍則靈矣蟲莫智於龍霎
然而行雲從之風應之雨隨之雷電合之真靈矣哉然
其盪土為漕淤淖禾稼何以不即乘風雲而凌空飛騰
也意其潛在淵見在田或惕或躍而飛在天之有其時
乎何至今久不聞也乾之象曰時乘六龍占為利見大

人今其龍已老矣戰血元黃不徒然耶致身青雲霖霈
下土到今猶拭目俟之

石佛洞

播郡洞崖之勝所在多有要皆僻處荒煙斷莽中人或
罕至其處即有躡險而至者類為樵牧傖父之流故雖
遊覽所及其軼而不傳者夥矣距城東五里許沙塢其
左田畝邈迤右則萬嶺蜿蜒而來近山腰一洞去通衢
數十武循麓上亦數十武即至洞口數十年前未之傳
聞也郡守濟南焦爾厚好探奇尋至其地見洞中巖石
如佛形遂名為石佛洞然亦不過偶一賞奇而已未聞

靈應也遠近人漸來觀或時祈禱石佛輒如願咸醵金莊嚴佛像即洞口建一觀以奉之金碧交輝櫺櫺互映燒香布施者日喧闐漸而香田燈貲漸而沙彌焚獻遂為郡東勝境幾與桃源埒迴思前數十年遊宦諸公不喜勝遊非獨此絕車馬跡即桃源亦跲然足音矣壬戌夏學使陸平泉在院署與長子恂談及清浮暖入之句時長子對以相傳為太白在桃源洞聽鶯作今洞左尚鐫有太白聽鶯處先生次日即柑酒往焉而石佛未之及也邇遊宦諸公桃源之遊又接踵矣石佛洞之未至或佛不耐塵俗擾攘故却士大夫之月盃風鐺清淨以